



Tawaf sambil menyanyi!

APA hukum bertawaf dan melakukan sai sambil menyanyi lagu. Contohnya lagu *Negaraku*?

Bagi setiap tempat, ada bacaan dan ucapan bersesuaian. Nyanyian lagu *Negaraku* adalah bersesuaian dalam majlis keramaian, majlis sekolah, majlis universiti dan sebagainya.

Perbuatan tawaf, sai, mabit di Muzdalifah dan sebagainya adalah ibadat khusus. Oleh itu, sewajarnya ia dilakukan menurut kaedahnya.

Soal jawab agama

Bersama DR. MOHAMMAD NIDZAM ABDUL KADIR AL-JARUMI

Pensyarah di Fakulti Ekologi Manusia, Universiti Putra Malaysia dan pendakwah bebas. Kemosykilan boleh diajukan ke nidium@yahoo.com

Perlu diakui bahawa boleh bercakap ketika tawaf, sai dan sebagainya. Namun begitu, apabila kita menyanyikan lagu *Negaraku* maka ia merugikan masa yang amat baik untuk berdoa.

Oleh itu, antara perkara yang dituntut ialah berdoa, bukan menyanyi. Maka sewajarnya apa-apa lagu sama ada lagu hiburan, lagu persatuan dan lagu negara tidak dilakukan ketika ibadat tawaf, sai dan sebagainya.

